



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 5. Admiranda Epiri.

urn:nbn:de:hbz:466:1-13167

sitare viatores propter aquæ bonitatem: ad riuum autem qui est ab alterâ parte monumenti nemo accedit, quia eius aqua creditur mortifera. *Vitrinius lib. 8. cap. 3.*

Phania palus Pyracum, vel in Pyrrhæa regione Thessaliæ, siccata ardet. *Antigonius cap. 171.*

Eurymenis in vrbe Thessaliæ deiecta coronæ in fontem lapides fiunt. *Plinius lib. 31. cap. 2.*

In Thessaliâ fons ex quo nec pecus vllum gustat, nec bestiarum vllum genus proprius accedit: tradunt & æs, & ferrum arrodi illâ aquâ, & Siliquam sylvestrem amplecti radicibus fontem illum, semper florentem purpurâ. *Vitrinius lib. 8. cap. 3. & Plinius lib. 31. cap. 2.*

§. 5. Admiranda Epiri.

CIRCA Epirum aquæ calidæ sunt, super quas volare impunè nullæ volucres possunt, si Cygnos excipias qui in his locis degunt. *Aristoteles in Admirandis.*

In Dodone Iouis fons cùm sit gelidus, & immersas faces extinguit, si extinctæ admoueantur easdem accedit. Idem fons meridie semper deficit, idéoque Anapauomenon vocant, mox increscens ad medium noctis exuberat, & exinde sensim siccatur. *Plinius lib. 2. cap. 103. S. Augustinus 21. de Civit. Dei cap. 3. de Facibus.*

In Acheloo Fluuio Zacon herba reperitur, quam si triueris, & in vinum conieceris fiet aqua, amittetque vim omnem vinum, tantum odorem retinebit. *Plutarchus libello de Fluminibus.*

In eodem Fluuio nascitur pisces Aper dictus, qui vocalis est, & grunniens emittit. *Aristoteles lib. 4. Historie Animalium, & Plinius.*

In Acheloï Fluij ripâ inuenitur lapis Galactites, qui si teratur reddit succum album; intra os receptus liquefit & soluitur; tamen memoriam bonam perimit: subnexus paruulis largiusculos haustus saliuarum facit. *Solinus cap. 12. Plinius lib. 33.*

Ad Leucadem petra candida vnde huic Insulæ, vel Chersoneso nomen, ex quâ præcipites ruebant mulieres in amoribus suis minus felices. Ex eâ ruit Sappho, ruit prius Cymethos Ptereli filia amore Cephali capta: atque ita hic sanabantur amantes, aut peribant. *Lilius Giraldus, & Iannus Parrhasius ex antiquis.*

Leu-

Leucadiæ Pauo virginem tam perditè amauit, vt cā mortuā intericerit. *Athenaeus lib. 14.*

In quodam specu Ambraciæ Faba à Pyrrhi Regis ætate ad Piraticum Gnei Pompeij bellum seruata est, hoc est annis centum circiter & viginti. *Plinius lib. 18. cap. 30.*

Circa Acarnaniam Molaris reperitur vnum argentei coloris, alteraurei, in metallicis. *Plinius lib. 36. cap. 19.*

In Athamaniâ fanum est Nympharum, vbi fons cuius aquæ frigus ineffabile, quidquid superponitur calescit; si quis sarmenta, aut aliquid eiusmodi admouerit inflammatur. *Antigonus cap. 163.*

Accepimus in Epiro nostrâ memoriâ Tritonem exiisse de mari, ad fontem rapuisse mulieres concubitus gratiâ: quare vetitum esse, ne mulieres sole ad fontem illum accederent. Captum autem nolentem edere, mortuum esse. *Padianus in Melam.*

§. 6. Admiranda Achaia, seu Helladis.

N V M. I. Admiranda Attice.

ATHENIS in Pantheo olea est quam *Callistephanon* vocant, quæ habet omnia folia contraria reliquis oleis, quippe quæ supinam partem, non pronam habeant viridiorem; hæc etiam instar Myrti ad coronamenta ramos mirâ proportione emittit. *Aristoteles in Admirandis, & Aristophanis Scholiastis.*

In templo Mineruæ Athenis lucerna dedicata est quam Callimachus fecit, in quam infusum oleum non consumitur, nisi exacto decimum anno, cum tamen lucerna noctes, diésque ardeat, eius funiculus est ex lino Carpasio (lege Carystio) quod ex omnibus igne non absunitur. *Pausanias in Atticis.*

Mineruæ olea incensa à Persis eodem die in proceritatem duorum cubitorum excreuit. *Idem, ibidem.*

Quæ in Æsculapij fonte Athenis immersa sunt in Phalerico portu redduntur, is est Atticæ portus non procul ab Athenis. *Plinius lib. 2. cap. 103.*

Athenis in Academiâ platanus fuit cubitorum 36. radix 37. *Idem lib. 12. cap. 1.*

Ibidem fons Enneacrunos dictus, is nimbosâ æstate frigidior

Parall. Geogr. Tom. II.

R rr